

柳送
甲子
正月
五日

評選環溪草堂醫案卷中

江陰柳氏醫學叢書之七

無錫王泰林旭高著

江陰柳寶詒穀孫選評

及門諸子不參校

嘔噦門

○胃陽虛則水飲停脾陽虛則穀不化腹中漉漉胸脇脹滿納入輒嘔酸水清涎或噯腐氣以溫通法崇土利水

○炮薑 陳皮 蒼朮 半夏 茯苓 熟附 火與胃

白朮 黨參 澤瀉 枳實 蔻仁 穀芽 刺藜

詒按中陽不運痰溼易停故用治中合二陳法

○胃中素有酒溼適因鬪毆惱怒引動肝膽之火與胃中之痰相搏致心跳少寐食入則嘔兩手脈沉是氣鬱也用溫膽加味

半夏 石菖蒲 陳皮 甘草 枳實 棗仁

茯神 雞距子 竹茹

薑汁炒

詒按既有木火內擾則川連梔丹本不可少也

再診

溫膽湯加沙參 川連 丹皮 旋覆花

黑梔 雪羹煎

○坤土陽微溼勝腹中不和用平胃理中合劑

○焦朮 川朴 陳皮 炙草 黨參 炮薑

茯苓 延胡

原註方中橫插延胡一味想其中兼有瘀凝也

詒按立方老潔

再診 前投溫中運溼腹中呱呱有聲朝食則安暮食則滯卧則筋惕肉瞤時吐酸水中土陽微下焦濁陰之氣上逆病成反胃溫中不效法當益火之源捨時從證用茅朮附子理中湯合真武湯意以治之

茅朮 附子 炮薑 炙草 陳皮 茯苓

生薑

詒按較前方深一層是亦一定步驟

○朝食暮吐完穀不化病成反胃始由寒痞腹中結塊
氣從少腹上攻胃脘作痛吐酸而起此中下之陽氣不
振肝木侮脾脾不磨化幽門不通大便艱澀法以溫運
通陽

鮮菰蓉

漂淡去甲
一兩五錢

半夏

陳皮

枳殼

沉香

柏子仁

桂心

牛膝

吳萸

乾薑

○腹中痛甚則有塊平則無形每每嘔吐酸水此屬中
虛陽氣不運當與大建中湯

黨參 蜀椒 乾薑 金橘餅

周詒按簡明切當如老吏斷獄

○反胃而兼浮腫小便莖中微痛此中焦陽氣不運而
下焦有溼熱也

葦撥磨汁三匙薑汁三匙韭根汁三匙藕汁三匙黃牛乳煎飲兩杯

中另用沉香末錢一血珀錢一研末分六服

再診內經云三陽結為之膈三陰結為之水此證反
胃而兼浮腫是三陰三陽俱結也陰陽俱結治法極難
前方用葦撥牛乳飲調服沉香血珀末撥動其陰陽俱
結之氣幸反胃之勢已平是其三陽之結已解今腹滿

雖寬而腿足之腫仍若是三陰之結猶未解也蓋太陰無陽明之陽少陰無太陽之陽厥陰無少陽之陽則陰獨盛於內而陽氣不通陰氣凝滯膀胱不化而水成焉其脈沉細蓋重陰之象也凡補脾崇土溫潤通陽如理中腎氣丸之屬固亦合法然不若周慎齋和中丸之制爲尤妙以其用乾薑能回陽明之陽於脾肉桂回太陽之陽於腎吳萸回少陽之陽於肝則三陽氣勝而三陰之結解水自從膀胱出矣

周慎齋和中丸

乾薑

兩切片作四分

一分用人參五錢煎湯浸拌收

乾炒黑一分用青皮二錢煎湯

拌炒黑一分用陳皮三錢煎湯拌炒黑
一分用蘇葉二錢五分煎湯拌炒黑

肉桂

去皮一兩切片作四分同煮收乾一分用益智仁一錢五分研

五分煎濃湯同煮收乾一分用苧香一錢五分同
煮收乾一分用補骨脂二錢五分研同煮收乾

吳萸

錢五分作二分一分用青鹽五錢煎湯拌炒黃

黨參

元米炒一兩茯苓焙一製半夏炒一甜杏仁一兩

茅朮

三錢用米泔同浸煮乾去茅朮

右藥為末用神麴二磨粉煮糊搗丸每朝服一錢暮

服五分用薏仁

錢三陳皮五分煎湯送下

詒按議論精當方法亦清切靈活此等方案固自

可法可傳○案中論病頗合機宜惟所解內經三

醫案 卷中 嘔噦 四 惜餘小舍

陰三陽等語卻與經旨不合

○氣鬱痰凝胸中失曠背寒脊痛納少哽噎甚則吐出
膈證之根

旋覆花 代赭石 桂枝 半夏 瓜蒌皮

薤白 杏仁 茯苓 竹茹

詒按此證初起痰氣阻於上焦故立方專從肺胃
着意以後五方於用藥層次均能絲絲入籠

再診 諸恙仍然痰稍易出

桂枝 薤白 陳皮 鹿角 乾薑

旋覆花 竹茹 枇杷葉

三診 背爲陽位心爲陽藏心之下卽胃之上也痰飲竊踞於胃之上口則心陽失其清曠而背常惡寒納食哽噎是爲膈證之根蓋痰飲屬陰碍陽故也

川附 桂枝 薤白 丁香 杏仁 瓜蒌皮

白蔻 豆豉 神麴 旋覆花 竹茹 枇杷葉

四診 服溫通陽氣之藥嘔出寒痰甚多未始不美惟納食未順哽噎之勢未和膈證之根尙在仍以溫通再觀動靜

川附 桂枝 薤白 半夏 陳皮 瓜蒌皮

杏仁 桃仁 薑汁 白蜜 韭菜根汁

五診 上焦吐者從乎氣中焦吐者從乎積此納食哽噎少頃則吐出數口且多清水黏痰是痰積在中焦故也究屬膈證之根勿得輕視

瓦楞子 白芥子 萊菔子 蘇子 旋覆花

桃仁 川附 半夏 陳皮 萆撥 薑汁

白蜜

治按此證因痰氣兩阻故用藥始終如是

○瘧後痰氣阻滯胃脘清陽不舒氣升作呃納食輒嘔已經半月防成膈證且與仲景法化痰鎮逆

旋覆花 赭石 乾薑 半夏 香附 赤苓

刺丁香柿蒂

○十詒按方案俱簡當可法也

○據述病由喪子悲傷氣逆發厥而起今診左脈沉數不利是肝氣鬱而不舒肝血少而不濡也右關及寸部按之滑搏滑搏爲痰火肺胃之氣失降而肝木之氣上逆將所進水穀之津液蒸釀爲痰阻塞氣道故咽噎胸膈之間若有賸塞而納穀有時嘔噎也夫五志過極多從火化哭泣無淚目濇昏花皆屬陽亢而陰不上承之象目今最要之證乃胸膈咽噎阻塞的係膈氣根萌而處治最要之法順氣降火爲先稍參化痰複入清金金

清自能平木也

蘇子 茯苓 半夏 枳實 杏仁 川貝

沙參 橘紅 麥冬 海螵 竹茹 葶薺

原註此七氣湯溫膽湯麥門冬湯三方增減降氣化痰生津和胃大抵病起於肝戕及肺胃故立方當從肺胃為主

詒按細勘病機斟酌虛實立方似覺平淡實已慘淡經營

○七情鬱結痰氣凝聚胸膈不利時或嘔逆證將半載脾氣大虛前方四七二陳降氣化痰舒其鬱結今再參

入理中兼培中土治標兼固本也

四七湯

夏朴苓
蘇姜棗

合二陳湯

理中湯

加丁香

木香

蔻仁

詒按此證痰氣兩層必須兼到

○操勞抑鬱營虛火亢胃液枯槁飲食哽噎嗝中一條
如火之焚有時呱呱作聲此氣火鬱結使然也病關情
志非徒藥力可瘳宜自怡悅

旋覆花

赭石

沙參

黑梔

茯苓

川貝

神麴

麥冬

甜杏仁

竹茹

枇杷葉

詒按立方輕清穩適緣病在上膈且屬氣火無形

固非可以重劑邀功者也○方中焦麴可去之

再診 氣火上逆咽喉不利痛至胸腕飲食哽噎呱呱
有聲膈證已成圖之非易況年逾六旬長齋三十載胃
液枯槁草木無情何能使之濡潤宜自開懷怡悅爲佳
前方加洋參 半夏

○胃汁乾枯腸脂燥涸所進飲食盡化爲痰不生津血
是以納食則吐而痰隨吐出膈證之根漸深高年靜養
爲宜

鮮苳蓉

兩

茯苓

陳皮

鹽水炒

枳殼

青鹽半夏

當歸

酒炒

沉香

磨

詒按此病已深用藥雖合未必能愈矣

再診津枯氣結噎膈菴蓉丸是主方

前方加柏子仁

炒

雪羹煎

每日用柿餅

一個

飯上蒸軟隨意嚼嚥

○吐血後呃逆作止不常迄今一月舌苔白膩右脈沉滑左脈細弱其呃之氣自少腹上衝乃瘀血挾痰濁阻於肺胃之絡而下焦相火隨衝脈上逆鼓動其痰則呃作矣病情並見安可模糊若捕風捉影無惑乎其不效也今酌一方當必有濟幸勿躁急爲要

半夏

茯苓

陳皮

當歸

鬱金

丁香柄

水紅花子

七分

柿蒂

二個

藕汁

薑汁

另東垣滋腎丸

錢一

陳皮生薑湯送下

詒按用煎劑以通肺胃之絡阻用丸藥以降衝逆之相火思路精細自然熨帖

○納食輒嘔清水涎沫米粒病在胃也曾經從高墮下脇肋肩膊時痛是兼有瘀傷留於肺胃之絡故嘔有臭氣擬化痰和胃降逆止嘔爲治

旋覆花

歸鬚

鬱金

杏仁

半夏

丹皮

查炭

茯苓

橘紅

蔻仁

詒按此屬初起輕淺之劑病深者尙宜加重